



**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.  
Canonum In Alma, Catholica, Et Episcopali Universitate Dilingana  
Professore Qvondam Ordinario, Prælectionibus Academicis Illustrati

**Laymann, Paul**

**Dilingæ, 1673**

Capitvlvm Vnic. Olim.

---

[urn:nbn:de:hbz:466:1-62587](#)

# TITVLVS V.

## DE LITIS CONTESTATIONE.

**D**icitur libellum datum ab auctore, vel etiam vicissim receptum, ( si Reus eum reconuenire velit ) datis si opus sit, dilationibus seu induciis, sequitur litis contestatio, de qua hoc & seq. tit. agitur.

### CAPITVLVM VNIC.

Olim.

#### PARAPHRASIS.

Inter Episcopum Nouensem & Capitulum Ecclesiæ S. Quintini controuersia erat super quibusdam causis. Iudices receptis positionibus Auctoris & responsionibus Rei, causam ad Sedem Apostolicam miserunt, constitutis Romæ viriisque partis procuratoribus; Gregorius IX. respondit acta præcedentia irrita esse, eò quod litis contestatio facta non sit, siquidem ea non per positiones & responsiones, sed per positionem in judicio propositam, atque aduersæ partis responsionem fieri debet.

#### SUMMARIUM.

1. Absque litis contestatione judicium ordinariū subsistere non potest; potest autem sumrium.
2. Constitit litis contestatio in petitione auctoris coram judice facta, & opposita responsione Rei animo contendendi.
3. Contestatio partes per mutuum consensum in ordine ad hoc judicium obligat, & habet vim cuiusdam veluti contractus.
4. Effectus contestationis huius.
5. Differt litis contestatio à positionibus, ac responsionibus, quae post eam fieri debent.
6. Quid positio?
7. Quid articuli?

8. Discrimen positionum & articulorum plerumque in praxi non obseruatur, sed libellus articulatus post litis contestationem, & praesitum juramentum de calunnia (in summario judicio statim initio litis) ab auctore offerri solet.

9. In summario judicio una cum positionibus facti etiam jus ac titulus agendi, ipsaque petitio annexa potest.

10. Circa incidentem causam statim positiones fieri debent ante litis contestationem.

11. In judicijs summarij, isque leuibus, petitiones ac positiones, & vicissim responsiones Rei verbo fieri possunt, redigente Notario in acta.

12. Index ex officio procedens per inquisitionem loco positionum tradit Reo capitula super quibus infamatus aut suspectus est, ut ad correspondat.

**N**OT. I. Absque litis contestatione iudicium ordinariū subsistere non potest, seu non præmissa litis contestatione reliquis processus irritus est; in summarij autem judiciis non requiritur litis contestatio, cum nec libelli oblatio requiratur. Clem. sepe de verb. significatione.

**N**OTANDVM II. Litis contestatio consistit in petitione auctoris coram judice facta, & opposita responsione Rei animo contendendi, vt etiam habetur in e. penult. & videtur est in gl. hic. verb. responsione, apud Marant. de ord. judicario. part. 6. memb. 10. & Legistas in l. vn. & adiunctis authenticis. cit. hoc tit.

Pro pleno intellestu aduerte, postquam auctor libellum & actionem suam in judicio edidit, isque libellus Reo citato exhibitus fuit; conceditur ei tempus ad deliberandum, & exceptions si velit dilatorias, aut declinatorias opponendum:

eo tempore transacto, comparere debet coram judge, & nisi cedere, seu petitioni actoris satisfacere paratus sit, litem contestari a formâ, ut actor vel interrogâte judge, vel per seipsum, narrata & petita in libello repeatat, ac vicissim reus respondeat vera non esse, aut se non credere vera, prout narrantur, aut prout in libello petitur, & ita censetur facta contestatio litis, quæ idem sic dicta est, quia utriusque partis coram judge presentis simul factam testationem continet.

**Corollarium.** Litis contestatio partes per mutuum consensum in ordine ad hoc judicium obligat, habetque vim cuiusdam veluti contra eum secundum gl. magnam. Ex quo plures effectus sequuntur. I. Quod judex post litis contestationem recusari non possit nisi ex noua superueniente causâ. II. Post litis contestationem libellus mutari non possit juxta ea, quæ dixi in c. 1. de mutuis petit. III. Procurator post litis contestationem reuocari non potest absque causâ rationabili, cum dominus litis effectus sit. c. 2. De procuratoribus in sexto. IV. Si pars litigans post litis contestationem contumaciter se absenteret, proceditur ad definitiua sententiam, ut apparebit tit. seq. V. Post litis contestationem juramentum calumniæ praestare recusans, habetur pro confessio, ut infra dicitur de juramento calumniæ.

**NOTANDVM III.** Litis contestatio differt a positionibus ac responsionibus, quæ post litis contestationem fieri debent.

Pro maiore intellectu adverte prius, quid sit positio, & quid articulus. Positio est brevis asseueratio alicuius facti, super quam petitur ab aduersario responderi. Inuentæ sunt positiones, ut actor relevetur ab onere probationis secundum gl. magnam in c. De confessis, nam in litis contestatione reus generaliter contradicit intentioni actoris, negans verum esse, quod in libello narratum & petitum est, sed ut specialius appareat, quidnam actor probare debeat, idem libellum per partes disponit, & reo offert. Sunt itaque positiones veluti partes materiales libelli; differunt autem tum a libello, tum a litis contestatione; quia positiones nullam

petitionem continent, sed nudas assertiones factorum, quæ censentur esse confessiones actoris, vti dicetur in tit. de confessis, & debet operam dare actor, ut positiones afferat claras, breues, ad rem pertinentes, seu intentioni suæ subseruientes, alioquin ea reficiet judge seu ex officio, seu petente aduersario, vti videtur est in gl. cit. c. 1. apud Durandum lib. 2. speculi. p. 2. tit. de positionibus. §. 7. & 10. Gail. lib. 1. obseruat. 81. In dubio tamen, num ad causam pertinentes sint positiones, seu utrum juvent actorem, si probata fuerint, judge eas admittere debet, sicut hoc ipsum dixi in c. Dilecti 6. de judicis. Multò magis caendum est actori, ut positiones non sint contrariae intentioni eius, v. g. si agens rei vindicatione ponat se in possessione esse. c. Examinata. 15. de judicis.

Articuli aliud non sunt, quam ex positiones, quas reus conuentus negat; postquam enim is respondit ad positiones, singulas confitendo, aut negando: acceptatis confessis, si ex iis solis intentionem suam obtinere actor non possit, positiones negatas denique offert judici, ut appareat super quibus testes, & aliae probationes adducenda sint. Verumtamen hoc discrimen positivum atque articulorum plerumque in praxi non obseruatur, sed ob velociorem litium expeditionem, ne plures dilationes dare necessitate sit, libellus articulatus, qui & articuli seu positiones probatoriales vulgo appellantur, post litis contestationem & praestitum juramentum de calumniâ (vel in causis summariorum statim in initio litis) ab actor offerti solent, ut si Titius hæres Sempronii ab intestato, actione vniuersali seu petitione hæreditatis agat contra Caium, qui pro hæredc possidet, cum hæres non sit, ita formabit articulos. Primò ponit actor verum esse, & probare vult, quod Sempronius absque hæredibus necessariis seu legitimis deceperit. Secundò ponit verum, quod ipse actor frater Sempronii germanus existat, adeoque proximus consanguineus. Tertiò verum ponit, quod Caius bona, quæ Sempronius usque ad vitæ exitum possederat, occupauit

rit & adhuc possideat, tanquam hæres ipsius fit.

Et sic vides, quod positiones seu articulaea, quæ facti sunt, comprehendant, non quæ juris, quippe quod judici notum est, nec probari debet. Attraenam jus singulare vel consuetudinarium cum in facto consistat, & saepe ignotum sit, juxta c. i. De constitut. in b. ponit potest ut articulus probatorius, v. g. pono verum, Ordini nostro tale priuilegium competere, aut talem in prouincia consuetudinem vigere, ut masculi exclusis fœminis succedant.

9. Praeterea si summario iudicio agatur, v. g. in causis beneficialibus tunc vna cum positionibus facti etiam ius ac titulum agendi, ipsamque petitionem annexi nihil impedit. Exemplum: si Titius à Papâ impetravit beneficium curatum, quod de jure vacuit per adoptionem alterius, ita contra Caium possessorem coram delegato, seu executore sedis Apostolicæ format articulos probatoriales. Primo pono verum, quod Caius beneficium curatum seu parochiam Ecclesiarum Mariæ canonice obtinuerit, & possessionem eius nactus sit. Secundò pono verum, quod idem Caius in alio similiter curato beneficio videlicet Ecclesia S. Nicolai se inuestiri fecerit. Tertiò pono verum, cum Caius nullam dispensationem pontificiam exhibere possit, prius eius curatum beneficium ipso jure vacasse. Denique dico narrata alia in Breui Apostolico vera esse, & me quatenus opus erit, probare paratum, ut quod sim clericus Presbyter nullo Canonico impedimentoo irretitus &c.

10. His paucula addenda sunt. Primum. Licet positiones & articuli probatoriales circa causam principalem fieri debeant post litis contestationem, tamen circa incidentem, v. g. si reus exceptionem dilatoriam opponat, ut quod auctor excommunicatus sit, statim positiones fieri debent, ut datis responsionib⁹ ab aduersario appareat, an & quatenus exceptio probada sit, nec ne, vti moner gl. in c. i. De confessis. in b. & ibi gl. magna, ubi regulam affert, quondocunq; probatio facienda est, positiones fieri possunt ad relevandā probationem.

Secundum in judiciis sumariis iisque le- 11  
uibus petitiones ac positiones & vicissim re-  
sponses Rei verbo fieri possunt, redigente  
notario in acta, quod si tunc partes in causâ  
concludant, & nihil probandum restet, quod  
negatum sit, statim sententiam proferet ju-  
dex, alioquin articuli formabuntur proba-  
toriales, super quibus data competente dilata-  
tione, probatio recipienda sit, v. g. testes  
producendi. Sed & in causis ordinariis ju-  
dex etiam ante litis contestationem, imo  
quandoque ante libelli oblationem ad actoris  
instantiam interrogations preparatorias  
format juxta tit. ff. De interrogat. ait juncta  
gl. in rubr. & c. Penult de juramento calumnia.  
& tradit Tancredus. de ordine judiciario, cap.  
vlt. vt si auctor aliquem conuenire volens rei  
vendicatione, roget eum interrogari, num  
possideat; interrogatus respondere cogitur,  
ad eo, vt si possidere se neget, & auctor eum  
mendacii conuincat, statim possessio ipsi au-  
feratur, seruato jure petitorio iudicio expe-  
riendi, ita vt ex possidente & reo fiat auctor,  
l. vlt. ff. Derei vend. & docet gl. cit. c. penult.  
titulum tamen possessionis suæ possessor or-  
dinariè edicere non tenetur, l. Cogi, 11. c.  
De hereditatis petit. aut si ex lege 12. tabula-  
rum agere volens querat, vtrum quadrupes  
quæ pauperiem seu damnum intulit, ipsius  
sit, respondere tenetur l. Si quis. 7. ff. De in-  
terrogat. sed & post item contestatam, si ex-  
quitas postulat, vt pars alterutra interroge-  
tur ad instantiam alterius, judex interroga-  
tionem formabit, l. Vbieung. 21 ff. eodem. &  
docet gl. cit. c. penult. verb. interrogationibus.

Tertium. Si judices contra aliquem pro-  
cedant ex officio per inquisitionem, tum loco  
positionum seu articulorum tradunt illi  
capitula, super quibus infamatus aut suspe-  
ctus est, vt ad ea respondeat, sicuti videre li-  
cet in c. Qualiter. 24. de accusat. vers. de-  
bet. & apud Marantam. dist. 6. memb. 10. a-  
ctu 4. n. 2.

### CAPITULUM I. Eodem Titulo in Sexto.

#### PARAPHRASIS.

Exceptiones peremptoriarum seu quævis defen-  
siones